

www.BibleForChildren.org

Mateo 26



Jodiodenicca
ejete onini Pascoa
tohuajirajonadsa
huada 6 nehe dsori
taccadsapi Jeso inadsa
odsa capamema najaro
onini Betaniadsa bacco
inanipomade. Nahidsapa
Lasaro madijari. Pohnuapa
dsoqqueraha Jeso pohua
inahatonijaride.



Naraha Lasaro
caripene onihi
Mariapi majojo
majoni bica tajarodsa
Jeso amori ssohoho
icanarijaro. Najaro
majojo oninipi nardo.
Najaro majojopi
passodsa quejemerani,
huatini ccara tani. Nadsapi
poni tatini conanidsa amori
sse ippijaride. Odsa bodidsa
majojo majoni tocca nade.




Jesocca dodosse tabaqqui 12 quinajari ojaria
oni Joda Iscariotepa dada toqquimade
taminedenidsa Jeso eccorahijine
huatide toccajari. Nadsapa
Jodacca ima mittamanadsa
huatidsemanajari: —Jehe,
Jeso teccorajari manaco
dsiniro tiadsa da
inana -quinahi
nade.



Nadsapa Joda toccanidsa pohua bodi najorajari.
Jeso pohuadenidsa eccorahijine
inoccodsaridsajari.



Nadsapi Jesocca dodosse tabaqqui
iapi Jeso pohua attissa inanaJARO.
Pascoacca jipagguie dsome
ijipagguinijine inajorajarode.
Nadsapa jipade iquejenadsa Jeso
pan idi nadsa Diodsa huati tajari:
—Jehe, Abi Dio ticca daniji iadsa
bica tahi -nade. Nadsapa pan
icanarobedsa dside jai
da, dside jai da
inaridsade. Ia
pocca dodosse
tabaqquidsas huati
tajari: —Aja,
apa tiquinajo.



Ajijaropi ohuemecca ima -nade
Jeso. Dsotodepa dse inahijine
dsedse equidi nadsa Diodsa huati
tajari: —Jehe, Abi Dio ticca daniji
iadsa bica tahi -nade. Nadsapa
iadsa da icanadsa iadsa huati
tajari: —Aja, dse taridsamanajo,
tiadeni huapima. Ajajari dsedsepa
ohuemenecca ima.
tedseje jehe
canirehijinecca
ima tojanijine.



Nidsa ohua odsoqquedsa
ohuemene toccadsapi najaro
jehe canireniji pajissa tojanitohui.
Aji ohuemene toccajaropi madija
huapimadsa ima bicani tojanijine.
Najaropi madija huapimacca imasiri
manaconi ohuadsa tojadsapi Diopa
poccadeni imasiri epeje
inananiijine.



Jesopa Ssino-Pedrodsa huati tajari: —Ssino, tibodi
huatoji. Satanapa titohuideni tonacomabaqquih.
Pohuapa titohuideni Diodsa huati tajari, tiadeni
nattome tabaqquihijine. Pina aroso jidsadsa trigo
etero toccahijine qquero huir, qquero huir
quinajarissa najari ohua tinebomananijine tiadenidsa
ocasserehe inananitohui.

Naraha Ssino, titohui
Diodsa huati huati
onajaro, ohua
tinebo-jeraniijine.



Ohuadsa epeje tanitohuiraha, otohaira tapomadsapi
timecotedeni aja ohuadsa jehe quinajaridenicca
jeheniji todacoranijine pohuadeni acco
ticamabaquijo, onajaro -najari Jeso. Naraha Ssino
attia: —Ohua Medsede, ohuapi nema onejeranitohui.
Toponi cocorodsa tia coro idsimamanadsa naqui ohua
naqui onajorani,
tiadsama
ohuedsanijine.
Tiadsama
odsoqquenijine
naqui onajorani
-najari.



Naraha manaco Jeso attia: —Pedro, tiadsa huati
onana: Nidsa ajijaro dsome ssiajaricossanihua
tacara huahua najaraccadsa tetti tinamaidsanito
hui. Ohuadsa: "Onocco jidsa tani" tanitohui. Dso
tode naqui: "Onocco jidsa tani" tapomanitohui. Dso
tode naqui nema tapomanitohui -najari Jeso.




Nadsapa Jeso pohua inadsa
ahua ppa naridsahi oni
Jesemanihuaaji jaijajaro.
Nanihuaaji bacco
inadsapi ia pocca
dodosse tabaqqui
iquejenajaro,
iadsa Jeso attipa:
—Tiadenipi ajidsa jassi
tinaccaji. Ohuapi ajiccadsa
Abi Diodsa huati onaccana
—nade. Imehidsa huati
tapomadsa naco:
—Abi, nahato tinani.



Madija huapimacca ima
manaconi najidsohue
ohuadsa tojadsapi
ocasserani ohuanitohui.
Pina dsedse bidabote
dse onanijinessa najaro.
Najaro onahananijine
jipera onaraha ohua
jipa onanicca tohui
onejerajaro. Tia jipa
tinaniccana paji.
Najarodsana ibora
onajaro -nahi nade Jeso.



Nahihuaajina Jodapa romanodenicca soldado, dada
toqquimahuaajicca cacahuadedeni tedseje
eccajonabaqquijaride. Dada toqquimade
taminedeni, marinaja onini pariseodsa
jehe quinajarideni tedseje dosse
inajonabaqqui-manajari. Bacco
najonamanadsapa dsepedenima
jahijonade. Jojororo,
huahuacca, huahuajina,
massito najonamanajaride.



Nadsapa Jesocca madija ojariana dada
toqquimadedenicca tamine deni tojajaricca
medse huaribo nahatonihuaajicca ca taneje
tajo canajaro. Naraha Jeso attia:
—iApajana, denima ca tejeraji!
-najari. Nadsapa taminecca
medse huaribo bara
icanadsapa huaribo
tocabiquemanijari.



Nadsapa Jeso dama quinadsa dada
toqquimadedenicca tamine deni
tojajaricca odsahuaji
iaccamanajari.

Naraha Pedropa
Jeso iaccamanahi
nattideni huajima
tohuanamissajari.




Odsadsa bacco toquinadsapa boronidsa
dsippo inadsamanadsa jiade
jassi nahuajanijari. Pedro
naco pohuadenidsama
huittabacossajari.



Naraha dsotode naco
dada toqquimadedenicca
tamine deni tojajaricca
dodossepa Pedrodsa
huati tade. Najaripa
Pedro pohuajine huaribo
ca tocajidsajaricca madija.
Najari attia: —¿Tiapi aja
ahua ppa nahihuaji dama
quinajari tedseje tia qqui
onajerattaqui? —nade Pedrodsa.




Naraha Pedro pohua
namaidsapomadsapa: —Ohua
jerade -nanaja tacara huahua
najaride. Najaro ima Pedro
bodi huatomanidsapa
toqquenajari. Pohua
motta oji oji najari.



Nadsapa jodiodenicca taminedeni
nahidsa queriquimanajari
huapimapa totehemamanadsa
tamine Piratohuaji Jeso
iaccamanajari. Tamine
Piratopa romanodeni.
Pohuapa jodiodenicca
dsama cacahuade tojajari.
Nadsapa Pirato Jesodsa
huati tajari: —ĉTiapi

jodiodenicca tamine tijaqui?
-najari. —Jehe, tetti nema


tajaropaji -najari Jeso.




Piratopa Jeso tappa inahijine tohuini
nadsa madija huapimadsa huati
tapomajari: —Jeso apaja onanana.
Pohuadsapi ima nohuerani -najari.
Naraha pohuadenipa
jadsirema johuahua
johuahua canapomajari:
—iAhua porimacossanidsa
dsoqquena, dsoqquena!
-quinajari.




Nadsapa Pirato pohuadenidsa Jeso
da inade. Ahua porimacossanidsa
coba idsanamanahijine soldadodeni
iaccamanade. Nadsapa Jeso
iaccamanadsapa pohua coba
dsanahijine ahua porimacossani
dsojo inade. Ssono Totati Tonanissa
nani quiquinanahihuaji jai tojemorajari.
Najaro ssono onini jodiodeni
atti ebreodsapi: —Cocotta
-quiquinanajaride.



Nahidsana Jeso ahua porimacossanidsa
coba idsanamana jaride. Jesopa nahi
madija cobaba dsanahi
nocconidsa tojajaride.
Pohua inoridsa
ahuaji ahuaji
quinade.



Maji todsidsidsapa Diodsa dada toqquima odsa imeni
bodihuaajicca huahuacossa etero sibabotepi
Diojine sseo naronajaro, carobe
najaro. Maji najarissa nadsa
ssonohuaji Jesopa jadsirema
huati tajari: —Abi, ticca
cacahuehedsa o japomani jine,
onajaro -nadsapa
Jeso huatiajari.




Nadsapa viernes dsomebote nadsa
odsa panani Arimateahuaajicca
madija oni Dsodsepa
cappinera tadsa tamine
Piratodsa huatide
toccajari. Pohuapa
jodiodenicca ima
cacattemadedeni
ojaria. Madija

huapimapa
pohuadsa
nahatoqquri najari.
Pohua naco Diocca
cacahuehetohui
najoraha madijari.
Nadsapa tamine
Piratodsa bacco tadsa
Jeso assire ppa
idsahijine huati
tajari.



Nadsapa Dsodse etero
dsojorani onini lino, bica
tanicca mittade toccajari.
Mitta inadsapi Jeso coba
dsanaha que tahihuaaji
tocanajoranijari,
Jeso assire dicca
inadsa eterodsa
jore inaquijari.



Nadsapa Jeso assire
tonoccobirihuaji dsojo inajari.
Nanidsa tonoccobirijine
sibadsa hui todsimani
najorapojaro. Nahidsa
Jeso assire dsojo
idsimadsa
ibedsajari.


Siba imeni
pata inanidsa
Jeso noccobiri
odinihuaji
ecossajaro nade.



Nadsapi huada ssiaja, jassinajacca
huadadsa dada toqquimade
tamedeni, marinaja
pariseodsa jehe
quinajarideni tedseje
tamine Piratodsa
huatide jai
tojapomajari.



Bacco toquinadsapa attidenia: —Ia
dossede, ibodi huatomajaro,
aja maitta maidsajide
rabotepa dsoqqe-
jaraccadsama pohua
attipa: "Nidsa
odsoqqedsapi
huada 3 nadsa
onahatoninitohui"



Nadsapa taminedeni soldadodeni
tedseje jai tojadsapa
siba imenibote
huittacossanicca
jore nani dsepedeni
panahissa tadsapa:
—Epejena.



Dicca nanijine ssamo tani -quinahi
nade. Nadsama jore nani
idenidsa modsa nepi
quinadsa najaro nepi
nadsa tojano niqui
todsanajaro.




(Najaropi dicca nadsa
bararini ahuato
tanijine.) Nadsapa
taminedenisoldadodeni
inebobaquimanadsapa
jai tojanijari.




Nadsapi jassinajacca huada jicani
nattini semana tojapomanicca
huada tahidecca domingo
ssiajajonadsa Maria
Madarenahuajicca,
Maria onihi tadsajani
Jeso noccobirihuaji
qquide
tohuedajaro.

Tohuedaneje
nami jadsirema
dsadsa najaro.



Aji nami jadsirema dsadsa
najaropi ia Medsede Diocca
dodosse memehuaajicca
ccaronajari.

Ccaronadsapa Jeso
noccobiricca siba
pata inajaro.



Nadsapa najaro sibadsa huittari
canahi quinade. Soldadodeni
najari qqui toquinadsapa
pohua noppine
cappinamanadsa
tacca-cca-cca
quinajari. Nadsapa
pina cacotajarissa
quinajari.




Naraha Diocca dodossepa
amoneje huedajonajardenidsa
huati tajari: —iTiadenipi
ticappinamana tejeraji!

Jeso qquide
ticadajonajaro
nahato onani.
Pohuapa ahua
porimacossanidsa

inanadsoqqe-manajari.



Naraha ajadsa podsa-jarahi.
Pohuapa nahatonipa. Pina pohua
dsoqqe-jaraccadsama
"onahatoninitohui"
nanaja napojarissa
najari. Jari, pohua
podsahihuaaji
qquide
ticadedsimaji.



Nadsapi Jeso noccobirihuaaji
nebomanadsa huassinaja Jesocca
dodosse tabaqqidsa huatide
dsaja tanijaro. Cappinamanaraha
huatidsemaneri tanijaro.
Dsaja taniraha nahi jahuidsa
Jeso ponidenidsa
ahuatomadsa: —Nija
-najari.



Nadsapi pohuadsa tohuedessidsa
huatidsemanadsa ponideni pitonidsa
pahimadsa pohua issodsa
cahuajocossamana nadsa:
—iIa Medsede, deni
tijani! -quinani nade.





Dsotode naco pohua huatimadedeni 11 quinajari
jipade toquejenahidsa Jeso ahuatomajari.

Pohuadenipa: —Jehe, Jeso nahatonihijine pajirahi
-quina-jaradsa huaribodeni sibaqquri nadsa Jeso
huati icanabaqquijari: —¿Nejecotohui occa madijapa
onahatonini qqui toquinaraha pohuadeni attidsa
pajissa tiquinejerajaro? -nahi nade.

Nadsapa ia Medsede Jeso pohua huatimadedenidsa
huati taha jicadsapa memehuaaji Dio pohua
iaccamacossanijari. Diopa Jeso deni inanadsapa
Pohua inori nahatonihuaaji inahittarijari,
madija ihicadossebaqqui nahijine.



—Diopa madijadsa huati cahanari
canahi. Pohua Bedi ojari naraha da
inadsapa huapima pohuadsa pajissa
quinajaridenipa tocassiejerahijine.
Camittehe jiquejeranicca naco
cajimana-dsanapohuijine.



Romanodenidsa 3:23

Madija huapimapi imasiri icajiridseje najaro. Diocca deni tojehedsa iquejenanijine ipajiranissa tejerajaropaji.

Romanodenidsa 6:23

Icca imasiri manaconipi dsoqqehe jiquejeranicca.
Naraha Diocca danijipi camittehe jiquejeranicca.
Ia Medsede Jesocristodsa iquejenadsapi
Diocca daniji icajini.

Ebreodenidsa 9:27

Madija ia naqui idsoqquenitohui. Idsoqqueraha idsoqqueni ojarinitohui. Najaro nattinipi madija huapimacca ima cattemade Dio baccohuaji idomo huadsa ia tocattejidsabaquihitohui. Pohuadsa toquejenajaridenidsa pocca biquehe da inanitohui, Pohuadsa toquejena-jarajaridenidsapi pocca najidsohue inassonarinitohui.



Epesodenidsa 2:8,9

Abi Diopa titohuideni huati cahanari canajaria tiadeni tonassiajabacquijari. —Jesocristo pajissa itohui dsoqquejari -tiquinadsapi tiadenidsa tossiejehe inanajaro. Tijinedeni jerani. Abi Dio tohuini nadsa manaconi jirehe tiadenidsa inanajaro. Pajissa, Dio tiadeni tonassiajabacquijaripa bicaquqiri tiquinajarojine jerani. Ima bicani tinanamanajarojine jerani. Najarojine madijapa: —Bica onajarojine Dio ohua tonassiajajari -najarahitohui.



Romanodenidsa 10:9,10

Madijadsa tecomeramanadsapi: —Jesopa ohua Medsede, occa tamine deni tojahicca -tiquinaji. Tibodidenidsa naqui: —Jeso huatiaraha Dio inahatonijaripa pajissa -tiquinadsapi ticassiejeranitohui.

Ibodi Jesocristocca imadsa pajissa inadsapi icca ima Diodsa tobicajaro. Madijadsa ecomeradsapi: —Jesopa ohua Medsede -inadsana Dio ia tonassiajajari.

Huano 3:16,17

—Diopa madijadsa huati cahanari canahi. Pohua Bedi ojari naraha da inadsapa huapima pohuadsa pajissa quinaridenipa tocassiejerahijine. Camittehe jiquejeranicca naco cajimana-dsanapohuijine.

Diopa Pohua Bedi madija dsahuade dosse inarona-jarajari. Madija tonassiajadera dosse inaronajari -nade.



1 Huano 5:11-13

Aji iadsa Dio pocca ima ecomerajaropi camittehe
jiquejeranicca iadsa da inajaro. Najaro camittehe
jiquejeraniccapi Dio Bedidsana anijaro.

Dio Bedidsa iquejenadsapi camittehe jiquejeranicca
icajini. Naraha Dio Bedidsa iquejena-jeradsapi
camittehe jiquejeranicca icappirani. —Jesopa pajissa
Dio Bedi -tiquinajarodenidsa aijaro ima dsodo onajaro,
camittehe jiquejeranicca ticajimanani
nahatoqqiri tiquinanjine.



Mateo 26-28; Roca 22-24; Huano 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Culina Bible (cul) © Wycliffe Bible Translators, Inc.
All rights reserved.

<https://live.bible.is/bible/CULWBT/MAT/1>

©2026 Bible for Children, Inc.

www.M1914.org

www.bibleforchildren.org

